

ТҮРКІ ӘЛЕМІНІҢ РУХАНИ МҰРАСЫ ҰЛЫҚТАЛДЫ



Жуырда қаламызда «Түркі өркениетінің ескерткіштері: зерттеу, сақтау және реставрациялау әдістері» атты II Халықаралық симпозиум ұйымдастырылды. Айтулы жиын аясында университетімізде қос бірдей рухани-тарихи маңызға ие тағылымды іс-шара өтті. Соның бірі – «Тіл – ізгіліктің бастауы» көрмесінің ашылуы.

Түркі әлемінің ортақ мұрасы – Махмұд Қашқаридің «Диуани лұғат ат-түрк» еңбегінің 950 жылдығына арналған көрменің ашылу салтанатына еліміз бен шетелден келген қадірлі қонақтар, ғалымдар мен зиялы қауым өкілдері қатысты.

Түркі тілінің байлығын, тарихи сабақтастығын және мәдени мұрасын тереңінен сипаттаған көрмеде сөз бастаған ректор Жанар Темірбекова: «Қайырлы күн, құрметті әріптестер мен қадірменді қонақтар! Бүгін оқу ордамызда өте маңызды іс-шара бастау алғанына қуаныштымыз! Осындай күнде

жанымыздан табылған бауырлас елдердің өкілдеріне де алғыс білдіреміз!», - деді.

«Махмұд Қашқаридің «Диуани лұғат ат-түрк» еңбегі – тек қана сөздік емес, түркі тілі мәдениетінің әлемдегі орны, айнасына айналған дүние. Әрі, түркі тілінің байлығын дүниежүзіне танытқан туынды болды», - деді Түркия Республикасының Түркістандағы Бас консулы Илкер Пак.

Халықаралық «Түрік мәдениеті мен мұрасы» қорының басшысы Ақтоты Райымқұлова: «Түркі мәдениеті және мұрасы» қорының атынан университет ректоры Жанар Темірбековаға ризашылығымызды білдіреміз! Себебі, біздің бабамыз, Махмұд Қашқаридің «Диуани лұғат ат-түрк» атты әлемдік мәртебеге ие, түркі әлемі туралы энциклопедиясының 950 жылдығына арналған көрмені оқу орда төрінде өткізуге рұқсат берді. Осы тұста, біріге жұмыс істеп,

қолдау көрсеткен оқу орда басшылары мен қызметкерлеріне тағы да алғыс айтамын!» - деді.

Келесі кезекте, көрермен қауымының жүрегінен орын алған – «Мың заман – бір Түркістан» спектаклі сахна төрінде қайта қойылды. Қорқыт ата, Томирис патшайым, Әл-Фараби, Қожа Ахмет Ясауи, Абайдан бастап, Алаш зиялыларының қазақ халқы үшін жүріп өткен тарихи жолы көрсетілді. Қиын күндерге қарамастан, татулығын сақтаған түркі халықтарының мызғымас бірлігі, қайсар мінезі сомдалды.

Жиын соңында спектакль тағы да жоғары бағаланып, қонақтар алған әсерлерімен бөлісті. Түркі халықтарының даналары, ойшылдары мен қоғам қайраткерлері арқылы рухани және тарихи мұраны арқау еткен музыкалық қойылым соңында көрермен тік тұрып, қошемет көрсетті.

«Ясауи – ақпарат».

«ҒАЛЫМНАН ЗЕКЕТ – ҒЫЛЫМНАН БЕРЕКЕТ»

Жуырда университетіміздің Мәдениет Орталығының Кіші залында тарих ғылымдарының докторы, профессор, алаштанушы Хазретәлі Маханұлы Тұрсұнның 65 жасқа толуына орай «Ғалымнан зекет – ғылымнан берекет» атты мәдени-көпшілік іс-шара өтті.

Жиынға университеттің оқытушы-профессорлары, әлеуметтік-гуманитарлық ғылымдар мамандығында оқитын білім алушылары, «Әзірет Сұлтан» мемлекеттік қорық-мұражайының қызметкерлері, облыстық, қалалық қоғамдық, шығармашылық ұйымдардың өкілдері қатысты.

Іс-шараның мақсаты – университет кітапханасына ғалымның жеке кітапхана қорынан ғылымды насихаттау мақсатында арнайы ғылыми, әдеби кітаптарды сыйлау, әрі ғалымның атсалысуымен жарыққа шыққан жаңа кітаптардың таныстырылымын өткізу.

Тағлымды жиында модераторлық қызметті «Әзірет Сұлтан» мемлекеттік қорық-мұражайының ғылыми қызметкері Берік Байболов жүргізді. Ахмет Ясауи университетінің вице-ректоры Еділ Төлегенов құттықтау сөз сөйлеп жиынды ашып берді. Сонымен қатар, Әлеуметтік-гуманитарлық ғылымдар факультетінің деканы PhD, доцент Әлия Құралбаева, университет ғалымдары Жолсеитова Мағрипа, профессорлар Б.Сердәлі, М.Қожа, ақын Айдар Сейдазым, Орталық ғылыми кітапханасының директоры Ақмеруерт Әбсеметова сөз сөйлеп, пікір білдірді.

Іс-шараның маңызды бөлімі «Ғалымнан зекет» - Профессор Хазретәлі Тұрсұнның 65 жылдығына орай жарық көрген соңғы кітаптарының таныстырылымына ұласты. Таныстырылымда мына төмендегі кітаптар:

1. Алаш ұлт-азаттық қозғалысын толық ақтау бойынша



материалдар. Т.VII. Алаш Орданың Оңтүстік бөлімі. Құжаттар мен материалдар жинағы. Құрастырушылар: Х.Тұрсұн, Р.Хазретәліқызы, Р.А.Арсланзода / Жалпы редакциясын басқарған Е.А:Әбіл. –Алматы: «Нұр», 2024. -432 б.

2. Тұрсұн Х.М. Түркістан зиялыларының мәдени мұрасы (XIX ғасырдың соңы – XX ғасырдың алғашқы ширегі). Монография. – Алматы:, 2024. -120 б.

3. Тұрсұн Х.М., Исаев М.С., Тұяқбаев Қ.М., Тастанбеков М.М., Байболов Б.Қ., Шаметов С.Т., Қазақстанның рухани жер асты мешіттерінің тарихы мен қызметі. Монография. –Алматы: «Арыс» баспасы. 2023 жыл.

4. Қазақстандағы рухани жерасты мешіттері. Анықтамалық жинақ. (Құрастырушылар: Тұрсұн Х.М., Тастанбеков М.М., Исаев М.С., Байболов Б.Қ., Шаметов С.Т.) – Түркістан: «Әзірет Сұлтан» мемлекеттік тарихи-мәдени музей-қорығы, 2022.

5. Қожықов Қ. Шығармалары. Баспаға дайындағандар: Х.Тұрсұн, С.Қ.Қожықова, Хакан АС. -Алматы: «Арыс» баспасы, 2023. – 366 б.

6. Қоңырқожа Қожықов –

ұлттық элитаның көрнекті өкілі (Баспаға дайындағандар: Х.Тұрсұн, С.Қ.Қожықова, Хакан АС.) -Алматы: «Арыс» баспасы, 2024. – 304 б.

7. Сералы Лапин: Шығармалары. Зерттеулер. Баспаға дайындағандар: Х.Тұрсұн, Г.Батырбекқызы, С.Ходжикова. – Түркістан. Тұран баспасы.2024. -252б. жұртшылықтың назарына ұсынылды.

Жиынның екінші бөлімі «Ғылымнан берекет» - «65 бес жылдықта Ясауи кітапханасына 65 кітап сый» таныстырылымы деген айдармен өтті.

Профессор, алаштанушы ғалым Хазретәлі Тұрсұн өзінің мерейлі жасын, айтулы белесін осындай тағлымды шарамен түйіндеп, өз атынан кітапхана қорына 65 кітапты сыйлады. Сыйға тартылған кітаптардың барлығы дерлік құнды, ғылым жолын таңдаған жастарға баға жетпес қазына деуге болады.

Кітапхана директоры Ақмеруерт ханым ғалымның көпке үлгі боларлық бұл сауапты да тағлымды қадамы үшін өз ризашылығын білдірді.

Өз тілшімізден.

ҚОНАҚЖАҰ «ЯССЫ»

Ахмет Ясауи университетіне қарасты бірнеше нысандар, ғимараттар аз емес. Солардың бірі – «Яссы» қонақүйі. Туристер мен мамандар үшін қолжетімді орынның атқарған жұмыстары ауқымды.

– Қонақ үйдің жалпы мақсаты – келген меймандарды жоғары деңгейде күтіп алу. Қаламызда «Яссы» қонақүйінің мәртебесі ерекше. Мұнда келген әрбір қонақ әрдайым разылығын білдіріп жатады. Соған орай біз олардың алдағы уақытта тағы да келуіне себеп бола аламыз- дейді қонақүй директоры Бекзат Мамуров.

Иә, 2018 жылдан бері өз қонақтарын қабылдай бастаған отель туризм нарғында бүгінде қарқынды жұмыс істеуде. Таяуда ғана жөндеу жұмыстары өткен қонақүйдің қызметінің белсенділігі жоғары. Б. Мамуровтың айтуынша, университетпен тығыз байланыстың арқасында отельдің сенімділігі артқан.

«Қонақүй университетіміздегі екі елдің ынтымақтастығы аясында өтіп жатқан көптеген симпозиум мен конференцияларға қатысушы меймандарды жиі қабылдайды. Ұтқырлықпен білім алуға келетін білімгерлер де келіп жатады. Одан бөлек әрине, біздің түрлі туристік компаниялармен қарым-қатынасымыз бар. Сол арқылы Түркістан қаласының тарихымен танысқысы келетін туристер де жиі келеді. Ал енді, қызмет хатпен есептер болсақ, айына 250-300 шамасында қонақ келіп тұрақтайды. Олардың көпшілігі туристер. Мемлекеттер арасында Түркия елінен көптеген турист қонақүйі табалдырығын аттайды. Тіпті Америкадан да келетін мамандар болған. Олар университетімізде дәріс беріп, өз мастер-кластарын өткізіп жатады» - дейді Б. Мамуров.

Қаланың дәл ортасында орналасқан қонақүйдің қауіпсіздік деңгейі жоғары. Толық бейнебақылау жүйелерімен қамтылған отелдің қабылдау бөлімі секілді орындары белсенді қызмет атқарады. Ал



қонақтар тарапынан шағымдар болған жағдайда сол тұста әрекет етіп, дереу шешуге тырысады. Қонақүй тағамдарына келсек, университеттегі орталық асхананың режиміне сәйкес бекітілген. Оtelдің ас мәзірі дәл сол орталық асхана тағамдарымен қамтамасыз етілген. Сондай-ақ, қонақүйде жылына бір рет «Туризм» кафедрасының студенттері келіп практикадан өтіп, өз тәжірибелерін шыңдай алады. Қабылдау бөлімі, ресторан бизнесі сынды т.б қызметтерде студенттер арнайы тәжірибеден өтеді. Осы орайда қонақүй директоры арнайы жеңілдіктер жайында да айта өтті.

– Жалпы «Яссы» қонақүйі өзіміздің университетке қарасты болғандықтан бізде келісімшарт әлі жасалған жоқ. Бірақ алдағы 2025-2026 оқу жылында қонақүймен келісімшарт жасау ойда бар. Десе де, кафедрамыздың Алматы, Астана, Тараз сынды қалалардағы бірқатар қонақүйлермен келісімшарттары бар. Ал Түркістан облысы бойынша бізде Түркістан облысы туризм басқармасы, «Отырар мемлекеттік-археологиялық қорық музейі», Edem қонақүйі, Turkistan Silkway сияқты қонақүйлер және қызмет көрсету орындарымен келісімшарт бар. «Яссы» отеліне келсек, бізде студенттердің қызығушылығы да ескеріледі. Студенттердің таңдау құқығын ескереміз. Қызығушылық білдірген студенттер «Яссыдан» тәжірибеден өтіп жүр. Өз басым «Яссы» қонақүйінің инфрақұрылымы және сондағы мамандардың қалай жұмыс атқарып жатқанымен

толық таныс емеспін. Дегенмен біз өз студенттерімізді сабақ барысында немесе сабақтан соң «Яссы» отельге қонақтар келген жағдайда, оларға қызмет көрсету үшін, студенттерді тәжірибеден өту үшін жіберіп тұрамыз. Сондай-ақ, мамандар қажет болса олар да бізге арнайы сұраныс хатпен шыға алады - деді «Туризм» кафедрасының меңгерушісі Алмас Кұралбаев.

Әңгіме барысында «Яссы» қонақүйінің директоры арнайы жеңілдіктер жайында да айта өтті.

«Университеттің профессор ұстаздары мен ұтқырлықпен келген білімгерлер және мамандар үшін қонақүйімізде жеңілдіктер бар. Атап айтар болсақ, қонақүйдің тиісті бағасынан 30% жеңілдік қарастырылған» деді ол.

Түркістан қаласына іссапармен, қыдыруға және демалуға келетін жандар жетерлік. Олардың бірқатары Яссы қонақүйінде тұрақтанды жөн көреді. Келуші қонақтардың да айтары бар екен.

«Біз Түркияның Анкара қаласынан достарымызбен келдік. Ең алдымен Түркістан қаласының қонақжайлығына бас иемін. Мұнда көптеген ұлт өкілдерін көріп қуанып отырмыз. Бүгін қаладағы үшінші күніміз, тіпті жаңа достар таба алдық. Қонақүйдің де атмосферасы ерекше. Ахмет Ясауи кесенесін күн сайын терезеден қарап отырамыз. Бұл жер расыменде тарихи мекен» - дейді қонақүй тұрғыны Эшреф Иылдырым.

Қазақстан мен Түркия мемлекеттерінің қаржыландыруы арқылы «Яссы» қонақүйінің алдағы болашағы зор дей аламыз. Оtelдің қонақтар үшін маңызы жоғары. Университеттің қарқынды жұмыстары арқасында қонақүйдің де әлеуеті артып келеді. «Яссы» қонақүйі – меймандостық пен қала өркениеті үшін таптырмас үлгі.

**Нұрдаулет Кәрібай,
3 курс студенті.**

•Студенттік қоғам

СТУДЕНТТІК ПАРЛАМЕНТ – ЕРТЕҢГЕ ЖАУАПТЫ ЖАСТАРДЫҢ МІНБЕРІ

Кез келген қоғамның жаңаруы – оның жастарының белсенділігімен өлшенеді. Университет қабырғасында білім алып жүрген жастар – болашақ көшбасшылар. Бірақ олардың үні кім естиді? Арыз-шағымы қайда жетеді? Осы орайда студенттер мүддесін қорғайтын құрылым – студенттік парламент жұмысына үңіліп көрдік. Біздің мақсат – жастар мен басшылық арасындағы байланысты зерттеу, өзгерістердің шынайылығына көз жеткізу.

Белсенділік – сөзде емес, істе. «Студенттер үні шынымен естілме?» деген сауалға жауапты біз университетіміздің студенттік парламент президенті Серікбаев Ахмет Сұлтанбекұлынан алдық.

– Әрине, әр арыз-шағымның бірден шешілуі мүмкін емес. Бірақ елдегі жастар саясатының күшеюі, «Жастар үні» секілді



платформалардың пайда болуы, студенттік парламент пен кеңестердің жұмыс істеуі – студенттердің дауысының естіліп, еленіп жатқанын дәлелдейді және бұл сөздің де айғағы бар, – дейді парламент президенті.

ҚР Ғылым және Жоғары білім министрлігі жанынан құрылған

Студенттік омбудсмендер институты – жастардың құқығын қорғауда маңызды рөл атқарып отыр. Университетте де осындай омбудсмендер студент пен басшылық арасындағы алтын көпір іспетті. Олар арқылы әр ұсыныс пен арыз нақты орынға жетіп, назарға алынады. Жыл басында бекітілетін жоспарлар мен министрліктен келіп түсетін қосымша тапсырмалар аясында 80%-дан аса іс-шаралар мен бастамалар жүзеге асып отырады. Жүр-

гізілген әр жұмысқа байланысты есептер әлеуметтік желілерде жарияланып, ашықтық қағидаты сақталады.

Шешімін тапқан нақты мәселелерге тоқталсақ. Студенттік парламенттің тікелей араласуымен бірнеше күрделі мәселе шешімін тапқан. Мысалы:

№3 жатақханаға таза ауыз су мен ыстық су тартылды; №2 жатақхана толық жөндеуден өтті; №3 оқу ғимаратындағы «Белсенділер қабырғасы» жаңартылып, қазіргі студенттердің суреттері орнатылайын деп жатыр екен. Бұл да жастар бастамасымен жасалған игі іс деп танимыз. Міне, осы нәтижелердің барлығы – студенттердің үні тыңдап, нақты қадамға барудың жемісі.

Студенттік парламент жұмысы жүйелі әрі жауапты. Әр айда сенат отырысы өтіп, 6 негізгі бағыт бойынша есеп беріледі: 1. Шаңырақ клубтар координациясы; 2. Студенттік аппарат басшысы – 9 факультеттің жұмысын үйлестіреді; Студенттік үкімет басшысы; 4. Амбассадорлар кураторы – университеттің танымалдығын арттырумен айналысады; 5. Түркі әлемі төрағасы – түркі елдерінен келген



студенттермен байланысты нығайтады. 6.Әлеуметтік бағыт – студенттердің тұрмыс-тіршілігі мен әлеуметтік мәселелерін қадағалайды. Осы 6 топ өкілі ай сайын кезекпен өздеріне қарасты жұмысқа есеп беріп отырады.

Университет басшылығы – ректордан бастап, вице-ректор мен жастар саясаты департаментіне дейін – студенттік бастамаларды толықтай қолдайды. Әрбір шара, жоба, жоспарлы жұмыс жоғары деңгейде бекітіліп, мақұлданып отырады. Бұл – жастарға сенім артылып отырғанының дәлелі.

Студенттік бастамалардың

Әр студент өз кандидатурасын ұсына алады. Арнайы үгіт-насихат жүргізіп, бағдарламасымен таныстырады. Дауыс беру – әр студенттің еркіне берілген құқық. Шын көшбасшыны студенттің өзі таңдай алатыны анық.

“Біз жай ғана парақша жүргізіп қоймаймыз. Әр посттың артында еңбек, әр ақпараттың артында сенім бар. Біз – университеттің бет-бейнесіміз. Амбассадор ретінде студент пен университет арасындағы сенімді көпірге айналдық,” – дейді Бақытжан Аружан. Ол – Студенттік парламенттің, маркетинг бөліміне жауапты белсенді, амбассадор



тердің көптігі, ұлттық мәдениеттердің тоғысуы – университеттің ерекше құндылығы», деп жауап берді

Қожа Ахмет Ясауи атындағы Халықаралық қазақ-түрік университетінің Студенттік парламенті – бұл тек атау емес, шын мәнінде жастардың үні естілетін, бастамасы бағаланатын, пікірі мен ұсынысы іске асатын орта. Студенттік парламент – еріктілер ғана емес, ертеңге жауапты жастардың алаңы. Мұнда тек әрекет бар. Іс бар. Нәтиже бар.

Президент Ахмет Сұлтанбекұлы мен белсенді Аружан Үсенқызының еңбегі арқылы студенттік парламенттің нақты нәтижеге жұмыс істейтінін көріп отырмыз. Олар – бүгінгі белсендісі, ертеңгі көшбасшысы.

Бүгін студенттік парламенттің қабырғасында айтылған әр сөз – ертеңгі Қазақстанның іргетасын қалап жатыр. Бұл – сенім мен сенімділікке құрылған құрылым. Бұл – жастардың жалынын жандырып, рухын оятатын орта. Сол себепті әр студент белсенді болуға, өз ортасына бейжай қарамауға, «бәлкім мен де өзгерте алам» деп сенуге тиіс.

Себебі бұл мінбер – барша белсендінікі. Ал белсенді болу – сенің де қолыңда!

**Қарақат Сапарәлі,
3-курс студенті.**



барлығы белгілі бір қаржылай қолдауды қажет етеді. Бұл ретте университет жыл сайын арнайы бюджет бекітіп, әр қаражатты есеппен жұмсауға мүмкіндік береді. Қаржылық есеп құжат түрінде дайындалып, бекітілген тәртіппен реттеледі. Қаражат көлемі жарияланбайды, алайда ол жұмыстардың тоқтамауына жеткілікті мөлшерде беріледі. Сонымен бірге университет басшылығы – ректордан бастап, жастар ісі департаментіне дейін – студенттерге үлкен қолдау білдіреді. Әр шара, әр ұсыныс тыңдалып, барынша жағдай жасалады.


Парламент мүшелері ашық және әділ сайлау арқылы іріктеледі. Бұл – демократиялық қағидатқа негізделген үдеріс.

кураторы.

«Басқа университеттерден артықшылықтары қандай?» деген сұрағымызға президент Серікбаев Ахмет Сұлтанұлынан тұшымды жауап алғандаймыз.

«Бұл университеттің өзгелерден басты ерекшелігі – Қазақстандағы алғашқы халықаралық мәртебе алған жоғары оқу орны. Бұл оқу орнының дипломы екі елде (Қазақстан мен Түркия) бірдей танылады. Бітіруші түлектің Түркияның дипломы арқылы 35 елде жұмыс істеуге мүмкіндігі бар.

Университеттің орналасқан жері – Түркістандай киелі қала, оның архитектурасы мен мәдени ортасы – студент өміріне тың серпін береді. Сонымен қатар, шет елдерден келетін студент-



АЗИЯНЫ БАҒЫНДЫРҒАН БАҒАДҮР!

– Бақтияр, Азия чемпионы атанған сәттегі эмоцияңыз қалай болды?

– Әрине, жеңіске жеткен кезде ерекше қуандым. Үшінші рет Азия чемпионы атанып отырмын. Бұл жолы Шри-Ланка елінде, Коломбо қаласында көк туымызды желбіретіп, Әнұранымызды шықаттым. Бұл – мен үшін үлкен мәртебе әрі мақтаныш сезімін тудырды.

– Бұл додаға дайындық қалай өтті? Ең қиын сәттер туралы сыр бөліссеңіз?

– Жарыс жолында көп тер төктім, еңбектенгенімді жасырмаймын. Жатығу кезінде барымды салып, соңына дейін шыдадым. Кей сәттерде өте ауыр болды. Бірақ алға қойған мақсаттарыма адал болуым керек деп табандылық таныттым,

– Иә, данышпан Абай: «... Өзіңе сен, өзінді алып шығар, ақылың мен еңбегің алып шығар» деуші еді ғой. Спортта сенімнің маңызы қандай?

– Иә, сенім ең бастысы ғой. Мен өзіме, бапкерлеріме сендім. Сол сенім мені осындай ұлы мақсаттарға жетелеп, биік белестерді бағындыруға, жеңіс тұғырынан көрінуге ықпал етті.

– Сен үшін мотивация көзі не?

– Мен үшін ең үлкен мотивация – мен жарыстарда жүргенде үйде жанкүйер болып менің тілеуімді тілеп отырған ата-анам. Олар маған сеніп, үміт артады. Сол үміт-

Ел намысын қорғау — кез келген азаматтың маңдайына бұйыра бермейтін үлкен жауапкершілік. Бұл – табандылық пен тынымсыз еңбектің нәтижесі. Осындай биік деңгейде ел намысын абыроймен қорғап жүрген жастардың бірі – университетіміздің Спорт және өнер факультетінің 3-курс студенті Бақтияр Анарбаев.

Жуырда университетіміздің мақтанышы Шри-Ланка астанасы Коломбо қаласында бокстан өткен халықаралық жарыста Азия чемпионы атанып, еліміздің көк Туын көкте желбіретіп, Әнұранымызды асқақтатты. Бұл – оның Азия чемпионатындағы үшінші жеңісі. Университетіміздің студенті ел мерейін асырып, халықаралық аренада үлкен жетістікке қол жеткізді. Бақтиярдай дарынды ұл, патриот перзенттер мақтанышымыз емес пе?

Біз чемпионмен арнайы сұхбаттасып, жеңіс жолындағы қиындықтар мен жетістіктер жайлы біліп қайттық.



ті ақтау үшін бар күшімді саламын.

– Спорттан тыс қандай ел біле бермейтін қырларыңыз, «құпия талантыңыз» бар?

– Ас әзірлеуді жақсы көремін. Сонымен қатар, бизнеске де жақынмын. Болашақта осы бағытта да өзімді сынап көргім келеді.

– Университет студентісіз.

Ұдайы дайындық, сыртта өтетін жарыстарда жүресіз.

Оқу мен спортты қатар алып жүру қиын емес пе?

– Иә, күндізгі бөлімде оқитын студент үшін спорт пен оқуды қатар алып жүру сәл қиындау, әрине. Әрқайсысының өз талабы бар. Бірақ, университет әкімшілігі, деканат маған жеңілдік жасап, сессияларымды ыңғайлы уақытқа ауыстырып беріп жатыр. Сол үшін де, түсіністік танытқандары үшін

алғысым шексіз.

– Қандай ұстаздарыңды ерекше атап өтер едіңіз?

– Өзімнің жеке бапкерлерім Рахматулла Шерметов, Мырзағали Айтжанов ағайларыма алғысым шексіз. Олар әрдайым демеп, бағыт беріп келеді.

– Алдағы жоспарларыңыз қандай?

– Алдағы жоспарларым әзірге құпия болып қала берсінші. Көп мақтанып қоймадық па? (Кейіпкеріміз жылы жымырып қойды).

– Бақтияр, сенің алдағы уақытта да биік белестерден көріне беретініне сенімдіміз. Табыс тілейміз!

Дидар Нұржанбай,
3-курс студенті.

Қожа Ахмет Ясауи атындағы Халықаралық қазақ-түрік университетінің студенті, талантты жас спортшы Шұғыла Нәлібай Шри-Ланкада өткен 22 жасқа дейінгі жастар арасындағы Азия чемпионатында ел намысын абыроймен қорғады. 75 келі салмақ дәрежесінде өнер көрсеткен Шұғыла финалдық кездесуде шеберлігі мен мықтылығын толық дәлелдеді.

Ол шешуші жекпе-жекте Шри-Ланка өкілі Мудианселадже Нарасинханы небәрі бірінші раундта-ақ техникалық нокаутпен ұтып, Азия чемпионы атанды. Қарсыласының ешқандай қарсылық көрсете алмауы Шұғыланың дайындық деңгейі мен спорттық шеберлігінің айқын дәлелі болды. Жекпе-жекті жүргізген төреші қарсылас денсаулығын сақтай отырып, кездесуді уақытынан бұрын тоқтатты. Біз чемпионмен арнайы сұхбаттастық.

Шұғыла Нәлібай:

“Бұл – тек бастамасы, алда әлі талай белес бар»

- Шұғыла, құттықтаймыз! Финалдағы жеңісіңізді бір ауыз сөзбен сипаттасаңыз, ол қандай болар еді?
- Рақмет! Бұл – мақсат. Мен осы сәтке жету үшін ұзақ еңбек еттім.
- Техникалық нокаутпен жеңіске жету – ерекше әсер сыйлайды. Сол сәттегі эмоцияңыз қандай болды?
- Бәрі аяқталған сәтте «Болды ма, чемпион болдым ба?» деген қуанышты әрі сенімсіздеу сезімдер болды. Эмоцияны сөзбен жеткізу қиын...
- Бұл жеңіс сіз үшін нені білдіреді? Бұл мансабыңыздағы ең маңызды алтын ба?
- Жоқ, бұл – тек бастама. Мен енді ғана жолымды бастап жатырмын. Алда әлі көп еңбек, көп жарыс күтіп тұр.
- Жарысқа дайындық қалай өтті? Қандай қиындықтар болды?
- Дайындық жақсы өтті. Әрине, кез келген дайындықтың өзіне тән қиындығы болады. Бірақ біз бәрін еңсердік.
- Спорт пен оқу арасындағы тепе-теңдікті қалай сақтайсыз?
- Бұл сәл қиын. Кейде сабақтарға үлгермей жатамын. Бірақ тырысып жүрмін. Тәлімгерім мен группалас достарым әрдайым көмектеседі, қолдау көрсетеді.
- Алдағы мақсаттарыңыз қандай? Келесі жарысқа дайындық басталып кетті ме?
- Алдағы мақсат – әлем чемпиона-



ты мен Олимпиада. Қазір жарыстан келіп, үш күн демалып жатырмыз. Жаңа дайындыққа кірісеміз.

- Сізге шабыт беретін, үлгі тұтатын боксшылар бар ма?
- Ашық айтсам, ондай нақты бір адам жоқ. Мен өзім сондай үлгі боларлықтай спортшы болғым келеді.
- Болашақ боксшыларға, жас буын спортшы қыздарға айтар кеңесіңіз қандай болар еді?
- Жалпы айтсам – тәртіп. Кім не істесе де, қандай спортпен шұғылданса алдымен тәртіп керек. Бауыржан Момышұлы ағамыз: «Тәртіпке бағынған ел – құл болмайды» деп бір ауыз сөзбен түйіндеген. Темірдей тәртіп бізді биіктерді бағындырып, жеңіске жетелейді. Білім-ғылымда, технологияда жетістікке жеткен Жапония,

Қытай секілді алып мемлекеттер де темірдей тәртіп орнатуының арқасында озық елдерге айналып отыр емес пе? Тәртіп, жүйелі мақсат пен жігерлі еңбек, сенім бізді арманымыздың ақиқатқа айналуына көпіл болады деп ойлаймын.

P.S. Шұғыла Нәлібай – тек рингте ғана емес, өмірде де өз мақсатына берік, табанды тұлға. Оның бойындағы еңбекқорлық, тәртіп пен қарапайымдылық қазіргі жастарға үлгі бола алады. Университет қабырғасында жүріп-ақ халықаралық аренада еліміздің көк байрағын желбіреткен Шұғыланың жеңісі – білім мен спортты қатар алып жүрген жастар үшін үлкен мотивация.

**Еңлік Мақсат,
3-курс студенті.**

РУХАНИ КЕМЕЛДІККЕ БАСТАР ЖОЛ

Университетімізде студенттердің рухани және мәдени дамуына ерекше көңіл бөлінеді. Осы ретте 2013 жылдан бастап университеттің ғылыми кітапханасынан «Руханият» кітап клубы ашылған болатын.

Бұл клубтың басты мақсаты – студенттерді кітап оқуға ынталандыру, рухани құндылықтарды насихаттау және тарихи мұралармен таныстыру. Осылайша, «Руханият» кітап талдау клубы – рухани кемелденуге ұмтылған жандардың басын қосатын, оқуға деген сүйіспеншілікті арттыратын және саналы қоғам қалыптастыруға үлес қосатын маңызды мәдени-ағартушылық бастама. «Руханият» атты әдеби клуб – кітапсүйер жастардың еркін ортасы. Мұнда әртүрлі жанрдағы шығармалар талданып, қатысушылар өз көзқарасын ашық білдіреді. Клубқа 30 студент қатысады, әр факультеттен оқушылар

келіп оқыған кітаптарын талқылайды. Бұл кітап клубын ашуға үлесін қосқан кітапханашы Шолпан Қуанышбаева. Шолпан апайдың айтуынша: Ол 2002 жылдан бері кітапханада кітапханашы болып жұмыс істеп келе жатыр екен. Яғни 23 жылдың көлемінде бұл «Руханият» клубы, кітапханада түрлі іс-шаралардың өтуіне ұйытқы болып келеді. Клуб қаншама белгілі қоғам қайраткерлері және мерзімді күндер мен даталы мерекелерге арнап іс-шара ұйымдастырып келеді. «Осы жылы клуб мүшелері кітап оқуды насихаттап, жастардың рухани дамуына үлес қосып әдеби шығармаларға жүйелі түрде талдау жасаймыз деп алдымызға мақсат қойдық. Ал міндетіміз жастарды жүйелі түрде кітап оқуға баулу, әр аптада бір кітап оқып талқылап ой бөлісу, әдеби, шығармашылық кештерді ұйымдастыру. Бұл тәжірибе олардың рухани бай-

лығын арттырып, тарихи санасын нығайтуға септігін тигізеді», дейді ол.

«Руханият» клубында студенттер тек білім алып қана қоймайды, олар қайырымдылықпен де айналысады, көптеген рухани ісшаралар жасап келеді, «Таза-Қазақстан» акцияларына белсене қатысып, сенбіліктеріне шығып тұрады.

Университетіміз – білім мен ғылымның ошағы, мұнда студенттер мен оқытушылардың рухани және мәдени дамуына зор көңіл бөлінеді. Университеттің «Руханият» кітап клубы – осы бағыттағы маңызды бастамалардың бірі. Клубтың жұмысы әртүрлі форматта ұйымдастырылады. Апталық немесе ай сайынғы кездесулер болып отырады.

Насиба Хасанқызы,
3-курс студенті.

МЕДИЦИНА – МІНДЕТ ПЕ, МИССИЯ МА?

Медицина – жай ғана мамандық емес. Бұл жүректен шығатын жауапкершілік. Бұл таңдау адам бір күнде ойланып, ертесіне бастап кете салатын жол емес. Бұл – білім мен тәжірибенің тоғысқан, іріктелген нәтижесі.

Ләйла Тасқызы Алимбекова – медицина ғылымдарының кандидаты, доцент, ұстаз, адам жанының шипагері. Ол кісінің айтуынша: ғылыми бағытқа бетбұрыс деген бүгін ойланып ертесіне оны бастай салатын нәрсе емес, оны таразылайды оған білімнің жетуі және тәжірибенің болуы өте маңызды. Сондықтан алдымда тұрған ұстаздардан, ғалымдардан алған білімім өте көп. Жастарға айтар бір кеңесім: білім, жігер бар болса – ғылыммен айналысуға есік ашық. Ештеңеден қорықпай, әрекет ету керек. Себебі бүгінгі түлек – ертеңгі ғалым, дейді.

Сіз үшін медицина міндет пе, миссия ма? деген жалқы сұрақ қойғанбыз ұстазға.

Медицина маманы ретінде адамға үміт сыйлау – міндет. Бірақ тек кәсіби емес, адам ретінде де

қиналған жанға демеу болу – адамзаттың парызы. Өйткені бүгін біреудің басына түскен ауыртпалық, ертең өзіміздің де есігімізді қағуы мүмкін-деді.

Ал миссияға келетін болсақ мен кез келген адамға заңсыз көмектесе алмаймын. Сол үшін ол адамның барынша түп санасын өзгертуге тырысамын. Былай қарап тұрсаныз мен ол адамның қатесін дұрыстап, санасын өзгертуге тырыстым. Сондықтан бұл мен үшін миссия, дейді Ләйла Тасқызы.

Міне, медицина осындай. Бұл – дипломмен өлшенбейтін, жан-жүрекпен сезіліп өлшенетін салмақты сала. Бұл – міндет қана емес, бұл – миссия. Кез келген дәрігер – өмір мен өлім арасындағы көпір, адам жанының арашасы. Ол тек аурумен емес, адамның сенімімен де жұмыс істейді. Сондықтан да медицина – тек мамандық емес, үлкен ілім. Өмір соқпағы. Бұл – жүрекпен атқарылатын қасиетті парыз, міндетті іс.

Жұлдызай Қыдырәлі,
3-курс студенті.

Ясауи университеті

УНИВЕРСИТЕТ СТУДЕНТТЕРІНІҢ ҮНІ

Газет 1995 жылдан шыға бастады

Меншік иесі: Қожа Ахмет Ясауи атындағы
Халықаралық қазақ-түрік университеті

Редактор: ӘТІРГҮЛ ТӘШІМОВА

Медиа және PR орталығы

Тілшілер:
Журналистика кафедрасының
студенттері

Көркемдеуші редактор:
Асқат СӘДІБЕКОВ

Фототілші:
Нақып ШЫНТЕМІРОВ

Редакция оқырман хаттарына жауап бермейді және кері қайтарылмайды. Редакцияға жолданған хаттар 1,5 компьютерлік беттен аспауы тиіс. Автордың пікірі, мақалалары, ашық хаттары мен үндеулері редакцияның көзқарасын білдірмейді. Кейбір суреттер интернеттен алынды

Газетті есепке қою туралы

№11180-Г куәлікті 2010 жылы 4 қазанда Қазақстан Республикасының Байланыс және ақпарат министрлігі берген.

2019 жылдың қаңтарынан бастап «Ясауи университеті» газеті электрондық және интернет форматында шығарыла бастады.

Редакция мекен-жайы: 161200, ОҚО, Түркістан қаласы, Б.Саттарханов № 29, бас оқу ғимараты 216-кабинет. **Байланыс телефоны:** 8/72533/6-38-13, ішкі (1020) **Эл.пошта:** a.yassau@mail.ru